АЖРИМ

(даъво аризани кўрмасдан қолдириш тўгрисида)

Қоракўл тумани

2024 йил 25 апрель

Қоракўл туманлараро иқтисодий суди, судья Ш.З.Хамидовнинг раислигида, Р.Расуловнинг котиблигида, даъвогар "DAVRON DAVLAT ZAVQIY FAYZ" фермер хўжалиги манфаатида Бухоро туман фермер, деҳқон хўжаликлари ва томорқа ер эгалари кенгашининг жавобгар "AGROCLUSTER R-TEX QORAKO'L" масъулияти чекланган жамиятига нисбатан киритган даъво аризаси бўйича ишни даъвогар ва жавобгар вакили иштирокисиз, Қоракўл туманлараро иқтисодий суди биносида очиқ суд мажлисида кўриб чиқиб, қуйидагиларни,-

аниклади:

Даъвогар "DAVRON DAVLAT ZAVQIY FAYZ" фермер хўжалиги (бундан буён матнда-даъвогар) манфаатида Бухоро туман фермер, деҳқон хўжаликлари ва томорқа ер эгалари кенгаши судга даъво аризаси билан мурожаат қилиб, жавобгар "AGROCLUSTER R-TEX QORAKO'L" масъулияти чекланган жамияти (бундан буён матнда-жавобгар деб юритилади)дан 19.371.180 сўм асосий қарз ва 2.711.965 сўм жарима ундиришни сўраган.

Суд мажлиси жойи ва вақти тўғрисида даъвогар ва жавобгар вакили тегишли тартибда хабардор қилинган бўлса-да, суд мажлисига келмади.

Суд низони Ўзбекистон Республикаси Иқтисодий процессуал кодекси (бундан буён матнда-ИПК)нинг 128, 170-моддаси талабларига асосан уларнинг иштирокисиз, ишдаги мавжуд хужжатларга асосланган холда кўриб чиқишни лозим топади.

Суд ишдаги мавжуд хужжатларни ўрганиб чиқиб, қуйидагиларга асосан арз қилинган талабни кўрмасдан қолдиришни лозим топди.

Иш хужжатларидан ва суд мухокамасидан аникланишича, даъвогар жавобгарга 06.03.2024 йилдаги 1-сонли хисоб-фактурага асосан 19.371.180 сўмлик пахта махсулотини топширган.

Жавобгар томонидан 19.371.180 сўмлик тўловлар амалга оширилмаган.

Шунга асосан даъвогар жавобгардан 19.371.180 сўмни ундиришни сўраган.

Бироқ, жавобгар "AGROCLUSTER R-TEX QORAKO'L" масъулияти чекланган жамиятига нисбатан Қоракўл туманлараро иктисодий судининг 2024 йил 23 февралдаги 4-2004-2401/110-сонли ажрими билан банкротлик тўғрисида иш қўзғатилган ҳамда 2024 йил 7 мартдаги 4-2004-2401/110-сонли ажрими билан кузатув жорий этилган ва ва тугатиш бошқарувчиси этиб Т.Турсунов тайинланган.

Ўзбекистон Республикаси Иқтисодий процессуал кодекси 107-моддаси биринчи қисмининг 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан такдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

Ўзбекистон Республикаси Олий суди Пленумининг "Иқтисодий ишлар бўйича суд харажатларини ундириш амалиёти тўгрисида" ги 2020 йил 19 декабрдаги 36-сонли қарорининг 9-бандида, суд томонидан кўрмасдан қолдирилган даъво аризаси (ариза) такроран берилганда давлат божи қайтадан умумий асосларда тўланиши ҳақида тушунтириш берилган.

Баён этилганларга асосан суд, даъвогарнинг даъво аризасини кўрмасдан колдиришни ва даъвогар томонидан олдиндан тўланган 34.000 сўм почта харажатларини даъвогар зиммасига колдиришни хамда 441.663 сўм давлат божи тўловини Ўзбекистон Республикаси Президентининг 2017 йил 10 октябрдаги "Фермер, дехкон хўжаликлари ва томорка ер эгалари фаолиятини янада ривожлантириш бўйича ташкилий чора-тадбирлар тўгрисида"ги ПҚ-3318-сонли карорининг 3-бандига мос равишда даъвогар давлат божи тўловидан озод этилганлигини инобатга олишни лозим топди.

Юқоридагилардан келиб чиқиб, Ўзбекистон Республикаси Иқтисодий процессуал кодексининг 107, 176, 179, 203⁵, 195-моддаларини қўллаб, суд

ажрим килди:

Даъвогарнинг даъво аризаси кўрмасдан қолдирилсин.

Даъвогар "DAVRON DAVLAT ZAVQIY FAYZ" фермер хўжалиги томонидан олдиндан тўланган 34.000 сўм почта харажатлари даъвогар зиммасида қолдирилсин.

Мазкур ажримдан норози бўлган тарафлар бир ойлик муддатда шу суд орқали Бухоро вилоят судига апелляция тартибида шикоят бериш (протест келтириш) мумкин.

Судья Ш.З.Хамидов

